

فجر دهه‌سی برنامه‌لرینده اسلامی انقلابین قرآن زمینه‌سینده نتیجه‌لرینه دقت ائله‌ماق لازمدیر

ولی فقیهین شرقی آذربایجانداکی نماینده‌سی و تبریز امام جمعه‌سی، فجر دهه‌سی برنامه‌لرینده اسلامی انقلابین قرآن زمینه‌سینده نتیجه‌لرینه دقت یئتیрмаغین لازم اولادوغونو دئدی.

مهرین وئردیغی خبره گؤره، آیت الله محسن مجتهد شبستری تبریزین مهد قرآن حافظلریندن تجلیل مراسمینده، قرآنین اسلامی انقلابدان سونرا صحنه‌یه گلمه‌سینه اشاره ائدیب دئدی: قرآن ایلاهی کتابلارین لاپ کاملی و لاپ چامعیدیر. محصل‌لر و دانشجولار بو کتابینان تانیش اولوب اونون امرلرینه دقت یئتیرمه‌لیدیر.

او، قرآنین جماعتین زندگانلیغی‌نین متنینده قرآنین داها آرتیق اولماسینا تأکید ائله‌ماغینان آرتیردی: قرآ» فرهنگ و تعلیماتین یاییلماسی بو اؤلکه‌نین ترقی‌سینه و تعالی‌سینه سبب اولار.

آیت الله مجتهد شبستری قرآن تعلیمی‌نین مدرسه‌لرده و دانشگاهلاردا ضروری اولماسینی بیان ائله‌ماغینان دئدی: جامع‌نین بوتون انسانلاری مخصوصاً محصل‌لر و دانشجولار، قرآنینان تانیش اولمالیدیلار آما متأسفانه فارغ التحصیل دانشجولارین قرآنین اوزونو اوخویا بیلیرلر.

ولی فقیهین شرقی آذربایجانداکی نماینده‌سی و تبریز امام جمعه‌سی، مبارک فجر دهه‌سی‌نین باشلاماسینا اشاره ائله‌ماغینان بو گونلرین برنامه‌لرینی داها آرتیق عظمتین اجرا اولونماسینا تأکید ائله‌یب دئدیرلر: فجر دهه‌سی بو انقلابین پیروزلوق دهه‌سیدیر. بو انقلابین اساس پیروزلوق سبیلری، امام خمینی(ره) آدیندا شجاعتلی و فهیم رهبرین اولماسی و جماعتین شرع احکامینا و دینی مقدساتا باغلی اولماسی ایدی.